



DEIALDIA, OPOSIZIO BIDEZ BETETZEKO IRUÑEKO UDALAREN ETA HAREN ERAKUNDE AUTONOMOEN ZERBITZUKO ALBAITARIAREN 3 PLAZA

Iruñeko Udaleko Tokiko Gobernu Batzarrek, 2026ko maiatzaren 4an, deialdia onestea erabaki zuen, honako oinarri hauekin bat:

OINARRIAK

1. Deialdiaren xedea.

1.1. Deialdi honen xedea da al baitariaren 3 plaza, funtzionarioen araubidekoak eta A mailakoak, oposizio bidez betetzea, Iruñeko Udalaren eta haren erakunde autonomoen zerbitzura aritzeko, . Plaza horiek izanen dira Giza Baliabideetako zuzendariak 2026ko otsailaren 5ean iragarritako lekualdatze-lehiaketaren ondorioz hutsik geratzen direnak, eta horien plaza-zenbakia, betekizunak eta destinoak plaza hutsak hautatzeko ekitaldia egin baino lehen zehaztuko dira.

Deialdia honako hauetan xedatutakoaren arabera gauzatuko da: 251/1993 Legegintzako Foru Dekretua, abuztuaren 30ekoa, Nafarroako Administrazio Publikoen zerbitzuko Langileen Estatutuaren Testu Bategina onesten duena; 7/2025 Foru Legea, 2025eko ekainaren 4koa, Nafarroako administrazio publikoetan behin-behinekotasuna murrizteko langileen arloko aparteko eta premiazko neurriak onesten dituen; 113/1985 Foru Dekretua, ekainaren 5ekoa, Nafarroako Administrazio Publikoetako Lanpostuak Betetzeko Erregelamendua onesten duena; aplikatzekoak diren gainerako arauak, eta deialdi honetako oinarriak.

Plazak honako txanda hauetan banatuko dira:

- 1 plaza txanda irekian
- 2 plaza igoera-txandan

1.2. Igoera-txandan bete gabe gelditzen diren plazak, izangaiek hautapen-probak gainditzeko behar den gutxieneko puntuazioa ez lortzeagatik, txanda irekikoei gehituko zaizkie.

Bestalde, baldin eta igoera-txandan probak gainditzen dituzten izangaien kopurua plaza hutsen kopurua baino handiagoa baldin bada, txanda horretako probak gainditu eta plazarik gabe gelditutako izangaiek lehian arituko dira txanda irekiko izangaiekin txanda horretako plazetarako, betiere lortzen duten bukaerako puntuazioaren arabera.

Halaber, txanda irekiko plaza hutsetarako lehiatzen ahalko dira, aurreko paragrafoan zehaztutako eran, deialdiaren 8.1 oinarrian aipatutako agiriak aurkezteko epea amaitutakoan deialdi honetako 2.2 oinarrian berariaz ezarritako betekizunak betetzen ez dituzten igoera-txandako izangaiek.

1.3. Izendapenak eta plazaz jabetzeak nomina eta plantillako funtzionario bihurtuko dituzte izendatuak, Iruñeko Udaleko funtzionarioei buruz indarrean dauden xedapenetan adierazitako eskubide eta betebeharrak guztiekin, eta Gizarte Segurantzaren Araubide Orokorrean afiliatuko zaie, eta alta emanen bertan, aipatu araubide horretan ezarritako babesaren pean.

Aurrekoa gorabehera, eta Nafarroako Administrazio Publikoen Zerbitzuko Langileen Estatutua onetsi zuen abuztuaren 30eko 251/1993 Legegintzako Foru Dekretuko Bederatzigarren Xedapen Gehigarriaren 3. puntuan ezarritakoarekin bat, baldin eta Montepio bateko eskubide pasiboen araubidean afiliatuta

badaude, aukeratzen ahalko dute Montepio horretan geratzea, martxoaren 5eko 10/2003 Foru Legeak araututako eskubide pasiboen araubidearen babespean, edo Gizarte Segurantzaren Araubide Orokorrean afiliatzea.

2. Betekizunak.

2.1. Izangaiek betekizun hauek bete beharko dituzte oposizioan onartuak izateko:

a) Espainiako nazionalitatea izatea, Europar Batasuneko estatu batekoa, edo Europako Erkidegoak sinatu eta Espainiak berretsitako nazioarteko itunak direla medio langileen zirkulazio librea aplikatzen ahal den eremuko estatu batekoa.

Halaber, parte hartzen ahalko dute Espainiako nazionalitatea, Europar Batasuneko estatu batekoa edo aipatu nazioarteko itunak sinatutako beste estatuetako nazionalitatea duten herritarren ezkontideek ere, betiere zuzenbidez bereizita ez badaude, eta, orobat, beren ondorengoek eta ezkontideenek –zuzenbidez bereizita ez badaude–, hogeita bat urtetik beherakoak badira, edo adin horretatik gorakoak izanda haien bizkar bizi badira.

b) Hamasei urte beteak izatea eta nahitaezko erretiroa hartzeko ezarritako adina gaintutua ez izatea.

c) Unibertsitateko gradu-titulua edukitzea Albaitaritzan, edo baliokidetzat jotako titulazio batekoa, edo hura eskuratzeko eskubideak ordaindu izanaren frogagiria, eskabideak aurkezteko epea amaitzean. Atzerrian eskuratutako tituluen kasuan, dagokien baliozkotzea edo, bestela, horren homologazio-egiaztatzea eduki beharko dute.

d) Behar besteko gaitasun fisiko eta psikikoa izatea bete behar dituzten eginkizunetan aritzeko.

e) Eginkizun publikoetan aritzeko desgaiturik edo gabeturik ez egotea, ezta inongo administrazio publikoren zerbitzutik bereizita ere.

2.2. Berariazko betekizunak igoera-txandako izangaiendako.

Txanda honetako izangaiek, aurreko apartatuan adierazitakoez gain, honako betekizun hauek bete beharko dituzte:

a) Nafarroako edozein administrazio publikotako langile finko izatea, eta borondatezko nahiz behartutako eszedentzian ez egotea, non eta borondatezko eszedentzian dagoen pertsona ez den lanean ari Iruñeko Udalaren zerbitzura beste lanpostu finko edo aldi baterako batean.

b) Deialdiko plaza hutsen maila berekoak edo beheragokoak izatea.

c) Administrazio publikoetan bost urteko antzintasun aitortua izatea, salbu Nafarroako Polizia Kidegoetako kideen kasuan, horiek zortzi urtez benetan zerbitzu emanak eduki beharko baitituzte kidego horietan.

2.3. Betekizun horiek eskabideak aurkezteko epea bukatzen den egunean beteta eduki beharko dituzte izangaiek, eta plazaren jabetza hartu arte.

2.4. Izangaiek deialdi honen oinarrietan ezartzen den unean frogatu beharko dituzte aurreko betekizun horiek.

3. Eskabideak



3.1. Eskabideak aurkezteko epea.

Deialdian parte hartzeko eskabideak hogeit egun naturaleko epean aurkeztu beharko dira, deialdia Nafarroako Aldizkari Ofizialean argitaratu eta biharamunetik aitzina kontatuta. Eskabideak aurkezteko ezarritako epea luzaezina da.

3.2. Eskabidea aurkeztea eta formalizatzea.

Hautapen-prozesu honetan parte hartu nahi dutenek modu telematikoan aurkeztu beharko dute eskabidea, Internet bidez, www.pamplona.es/eu webgunean, honako nabigazio-bide honi jarraikiz: “Izapideak eta lizitazioak”, “Lan-eskaintzak”, “Enplegu publikoa”, “Enplegu publikoko deialdiak”, deialdi honi dagokion aipamena.

Desgaitasunen bat duten izangaiek denboraren nahiz bitartekoen egokitzapenak eskatuz gero horiek beharrezkoak diren probetarako, hala jakinarazi beharko dute eskabidean, eta zehaztu, horretarako prestatutako tokian, zein den eskatutako egokitzapena edo zein diren eskatutako denboraren edo bitartekoen doikuntzak. Horretarako, izangaiek egoki jotzen dituen agiriak aurkezten ahalko ditu eskabidea aurkezteko unean, 3.4 apartatuan ezarritakoarekin bat.

3.3. Tasak.

Azterketa-eskubideengatik eta espediente formalizatzeagatik ordaindu beharreko tasa 26,00 eurokoa da. Tasa telematikoki ordainduko da, eskabidea formalizatzeko unean, ordaintzeko sistema seguru baten bidez.

3.4. Eskabidearekin batera aurkeztu beharreko agiriak.

Eskabidea online aurkezteko unean, izangaiek, kasuaren arabera, honako agiri hauek aurkeztu beharko dituzte:

- Unibertsitateko gradu-titulua Albaitaritzan edo horren baliokidea den titulu bat edukitzea, edo titulua eskuratzeko eskubideak ordaindu izanaren ordezkagiria, eskabideak aurkezteko mugaegunean.

Nahi duenak, eskabidea aurkezteko unean, kudeatzaileari baimena ematen ahalko dio titulua Hezkuntza Ministerioaren Datuak Egiaztatzeko Zerbitzuan kontsultatzeko, baina aukera horrek ez du beti bermatzen egiaztatuko denik. Hori gertatzen baldin bada eta izangaiek ez badu titulazioaren kopiarik aurkezten, onartuen zerrendatik kanpo geratuko da.

Atzerrian eskuratutako tituluen kasuan, dagokien baliozkotzea edo, bestela, horren homologazio-egiaztagiria aurkeztu beharko dute.

- Deialdian igoera-txandan parte hartzeko eskatzen duten izangaiei dagokienez, baldin eta Iruñeko Udala ez den Nafarroako beste administrazio publikoren bateko langile finkoak badira, eskabidearekin batera deialdi honen 2.2 apartatuan jasotzen diren baldintzak betetzen dituztela frogatzeko egiaztagiria aurkeztu beharko dituzte.
- Desgaitasuna aitortua duten izangaiek hori frogatzeko agiria –organo eskudunak emana– aurkeztu beharko dute.

3.5. Agiri horiek aurkezten ez dituztenak ez dira deialdian onartuak izanen, eta baliorik gabe geldituko dira haiek gauzatutako egintza guztiak, deusetan galarazi gabe parte hartzeko eskabidean faltsukeria egiteagatik legokiekeen erantzukizuna.



3.6. Aski izanen da agirien kopia soilak aurkeztea; hala ere, emandako datuak edo agiriak okerrak edo faltsuak badira, horrek berekin ekarriko du horrelako kasuetarako ezarritako erantzukizun penalak, zibilak edo administratiboak eskatzea.

4. Izangaiei onarpena.

4.1. Eskabideak aurkezteko epea amaitutakoan, Giza Baliabideetako zuzendariak ebazpena emanen du, izangai onartu eta baztertuen behin-behineko zerrenda onesteko, eta deialdiaren fitxan argitara dadin aginduko du, Udalaren webgunean.

4.2. Baztertutako izangaiek aukera izanen dute hamar egun balioduneko epean, behin-behineko zerrenda deialdiaren web-fitxan argitaratu eta hurrengo egunetik aitzina zenbatuta, erreklamazioak aurkezteko edo, hala behar izatera, egindako akatsak zuzentzeko.

4.3. Erreklamazioak aurkezteko epea amaituta eta haien gainean ebatzi ondoren, Giza Baliabideetako zuzendariak izangai onartuen eta baztertuen behin betiko zerrenda onesteko ebazpena emanen du, eta deialdiaren web-fitxan argitara dadin aginduko.

4.4. Izangaiei ez zaizkie azterketa-eskubideak itzuliko baldin eta baztertuak izan badira beraiei egozten ahal zaizkien arrazoiengatik.

4.5. Onartuen zerrendan agertzeak ez du esan nahi bertan ageri direnei aitortzen zaienik betetzen dituztela ebazpen honen bidez iragartzen den prozeduran eskatutako betekizunak. Hautapen-prozedura gainditu ondoren izangaiek aurkeztu beharreko dokumentazioa aztertzeko denean egiaztatzen bada ez dutela betekizunen bat betetzen, interesdunek galdu egingen dituzte prozedura honetan parte hartzeagatik izaten ahal dituzten eskubide guztiak, ezertan galarazi gabe faltsukeria dela-eta legozkiekeen erantzukizun penal, zibil edo administratiboak.

5. Kalifikazio-epaimahaia.

5.1. Kalifikazio-epaimahaia kide hauek osatuko dute:

Epaimahaiburua: Alberto García Zabalegui, Iruñeko Udaleko Elikagaien Ikuskaritza eta Zoonosi Zerbitzuko kudeatzailea.

Epaimahaiburu ordezkaria: Francisco Iriarte Echenique, Hiri Kontserbazioko eta Osasuneko Alorreko zuzendaria.

Epaimahaikidea: Igel Medrano Pérez, Iruñeko Udaleko Elikagaien Ikuskaritza eta Zoonosi Zerbitzuko albaitaria.

Epaimahaikide ordezkaria: María Resano Zuazu, Iruñeko Udaleko Elikagaien Ikuskaritza eta Zoonosi Zerbitzuko albaitaria.

Epaimahaikidea: Nuria Crespo Delgado, Iruñeko Udaleko Elikagaien Ikuskaritza eta Zoonosi Zerbitzuko albaitaria.

Epaimahaikide ordezkaria: Arantza Beguiristain del Castillo, Iruñeko Udaleko Elikagaien Ikuskaritza eta Zoonosi Zerbitzuko albaitaria.

Epaimahaikidea: Javier Fernández Ocaña, Iruñeko Udaleko Langileen Batzordeko ordezkaria, batzordeak berak izendatua.

Epaimahaikide ordezkia: Rubén Recalde Zaratiegui, Iruñeko Udaleko Langileen Batzordeko ordezkaria, Batzordeak berak izendatua.

Epaimahaikide-idazkaria: María Ramírez de Arellano Alemán, Iruñeko Udaleko Aholkularitza Juridikoko letradua.

Idazkari ordezkia: Carlos Eguizabal Villanueva, Iruñeko Udaleko Hiri Kontserbazioko eta Osasuneko Alorreko idazkari teknikoa.

5.2. Epaimahaia hautaprobak hasi baino lehen eratu beharko da.

Epaimahaia ezin izanen da eratu, ez eta jardun ere, gutxienez kideen gehiengo osoa bertaratu gabe.

Kide anitzeko organoaren eraketak eta jardunak balio izateko, epaimahaiburuak eta idazkariak bertan egon beharko dute, edo, hala behar izatera, haien ordezkoei, kontuan harturik ordezkio izan daitezkeela, baita ere, epaimahaikide ordezkio gisara izendatutakoak, bigarren ordezkia egitea beharrezkoa izanez gero.

5.3. Kalifikazio-epaimahaiko kideek parte hartzeari uko egin beharko diote, eta organo deitzaileari hori jakinarazi, Sektore Publikoaren Araubide Juridikoari buruzko urriaren 1eko 40/2015 Legearen 23. artikuluan horretarako ezarriak dauden arazoak suertatzen badira.

Izangaiek, halaber, zilegi izanen dute epaimahaikideak errekusatzea, aipatu inguruabar horiek gertatzen badira.

5.4. Epaimahaia gehiengoz ebatziko ditu deialdiaren oinarriak interpretatzeko eta aplikatzeko moduari buruz sor daitezkeen gorabehera guztiak.

5.5. Epaimahaia aholkulari adituak deitzen ahalko ditu proba guztietarako nahiz batzuetarako. Aholkulari horiek laguntza emanen diote epaimahaiari, betiere beraien espezialitate teknikoei bakarrik helduta.

6. Oposizioaren garapena.

6.1. Oposizioa 2027ko otsailetik aurrera hasiko da.

6.2. Izangai onartuen eta baztertuen behin betiko zerrenda onesteko emanen den ebazpenean zehaztuko dira oposizioeko proba egiteko tokia, eguna eta ordua.

6.3. Oposizioak proba bat izanen du, eta proba horrek bi ariketa izanen ditu:

6.3.1. Lehen ariketa: test erako galdetegia.

Ariketa teorikoa izanen da. Izangaiek test erako 100 galdera erantzun beharko dituzte gehienez ere, idatziz, 120 minutuko tartean gehienez, deialdi honen eranskinean jasotako gai-zerrendako gaiei buruz. Galdera bakoitzak erantzun posible batzuk izanen ditu aukeratzeko, baina bat bakarra izanen da baliozkoa. Proba egin aurretik zehaztuko dira proba hori balioesteko irizpideak eta hainbat erantzun-aukera dituzten galderetan akatsak nola zigortuko diren.

Proba honetan gehienez ere 40 puntu eskuratzen ahalko dira. Baztertutakoak geldituko dira ariketan gutxienez 20 puntu erdiesten ez dituzten izangaiek.

6.3.2. Bigarren proba: izangaiek izaera teoriko-praktikoko kasu batzuk ebatzi beharko dituzte.

Ariketa teoriko-praktikoa: idatziz ebatzi beharko dira epaimahaia deialdi honen eranskineko gaitegiari buruz proposatutako kasu praktikoa. Garatzeko galderak izanen dira.



Epaimahaiak ariketaren hasieran zehaztuko du izangaiek zenbat denbora izanen duten ariketa egiteko.

Gehienez ere 60 puntu eskuratzen ahalko dira. Bazterturik geldituko dira ariketan gutxienez 30 puntu erdiesten ez dituzten izangaia.

6.4. Bigarren ariketan plika-sistema erabiliko da.

6.5. Ariketak deialdiko eranskinean zehazten diren gaiei buruzkoa izanen dira.

6.6. Deialdia Nafarroako Aldizkari Ofizialean argitaratu eta egun horretan indarra duen araudiaren arabera eskatuko dira gaiak.

6.7. Antolaketa-arrazoiak tarteko eta izangai-kopurua aintzat hartuta, probetarako deialdia egun eta ordu desberdinetan egiten ahalko da. Horretarako, probak egitera deituta dauden izangaien zerrenda webgunean –deialdiko fitxan– argitaratuko da, gutxienez horiek egin baino 48 ordu lehenago. Horrekin batera, tokia, data eta ordua ere zehaztuko dira. Halakoetan, kalifikazio-epaimahaiak ariketa desberdinak prestatuko ditu, baina zailtasun bertsukoak.

6.8. Izangaia nortasun-agiri nazionala, pasaportea edo gidabaimena aldean dutela azalduko dira. Oposiziotik baztertuko dira iragarritako egunean, orduan eta tokian agertzen ez diren izangaia eta aipatu diren agirien bidez identifikatzen ez direnak.

6.9. Proba bakoitzaren kalifikazioa amaitutakoan, epaimahaiak Iruñeko Udalaren webgunean (www.pamplona.es/eu), deialdiaren laburpenean, argitaratuko ditu izangaiek erdietsitako puntuazioak, eta bost egun balioduneko epea emanen du interesdunek eskubidez komeni zaien guztia alega dezaten, telematikoki.

6.10. Hautaprobak egin bitartean, behar diren egokitzapenak ezarriko dira, probak egiteko denboraren nahiz bitartekoen aldetik, desgaitasuna aitortua eduki eta eskabidean halakorik eskatu duten izangaiendako.

7. Gaingitu dutenen zerrenda.

7.1. Behin hautaprobak bukatuta, kalifikazio-epaimahaiak Iruñeko Udalaren webgunean (www.pamplona.es/eu) argitaratuko du probak gaingitu dituzten izangaien zerrenda, oposizioan lortutako kalifikazioekin, txanden arabera banatuta eta eskuratutako puntuazio-hurrenkerarekin bat, eta zerrenda hori Giza Baliabideetako zuzendariari helaraziko dio, plaza hutsak aukeratzeko izapideak egin ditzan.

7.2. Amaierako emaitzetan puntu berdinketarik gertatuz gero, bigarren ariketan puntuazio handiagoa lortu dutenen alde ebatziko da.

Hala ere, berdinketa ez bada hausten, lehen ariketan puntuazio handiagoa lortu dutenen alde ebatziko da. Halere berdinketa ez bada hausten, horretarako egingen den zozketa bakarraren bidez ebatziko da.

8. Plaza hutsak hautatzea.

8.1. Giza Baliabideetako zuzendariak plaza hutsak hautatzeko ekitaldirako deia egingen du, eta horretarako, argitara emanen ditu hautatu beharreko plaza hutsak, izangaien zerrenda –plaza hutsak hautatzeko



puntuazio-ordenaren arabera daukaten lehentasun-hurrenkerarekin bat eta txandetan banatuak— eta plaza hutsak hautatzeko izangaiei ematen zaien epea.

Informazio hori Udalaren webgunean argitaratuko da.

Ondoren, izangaiek adierazi beharko dute, horretarako zehaztutako epean, deialdian jasotako plaza hutsetatik zein nahiago duten.

8.2. Plaza hutsak hautatzerakoan, % 33ko desgaitasuna edo handiagoa aitortua duten izangaiek lehentasuna izanen dute gainerako izangaien aurretik, kontuan hartu gabe zein txandaren bidez hartu duten parte.

Aurrekoa gorabehera, desgaitasunen bat duen izangairen bat baldin badago, eta desgaitasun horrek eragina badu plaza batean edo bestean jarduteko, plazak banatzen hasi aurretik, desgaitasunera hobekien egokitzen dena eskainiko zaio, balorazio eta orientazio talde eskudunak horren gainean egiten duen txostena aztertu eta gero.

8.3. Genero-indarkeriaren biktima diren emakumeek, edozein txandatan eta izaera hori frogatzen badute, gainerako izangaiekiko lehentasuna izanen dute plaza hutsak hautatzeko orduan, hargatik eragotzi gabe desgaitasuna duten pertsonendako ezarritako lehentasun-hurrenkera.

8.4. Probak igoera-txandan gainditzen dituzten izangaiek lehentasuna izanen dute txanda irekiko izangaien aurrean deialdi honetako plaza hutsak aukeratzeko, desgaitasunen bat duten izangaiendako eta genero-indarkeriaren biktima diren emakumeendako kontuan hartutako salbuespen-kasuan izan ezik.

9. Izendapen-proposamena eta agirien aurkezpena.

9.1. Epaimahaiak Iruñeko Udaleko Tokiko Gobernu Batzarrari igorriko dio izendapen-proposamena, espediente osoarekin batera, probak gainditu dituzten izangaiak izendatze aldera, deialdian jasotako plaza kopuruaren arabera.

Aipatutako izendapen-proposamena Udalaren webgunean argitaratuko da, deialdiaren fitxan.

9.2. Proposatzen diren izangaiek agiri hauek aurkeztuko dituzte Iruñeko Udalaren Erregistro Orokorren bidez, izendapen-proposamena Udalaren webguneko fitxan argitaratu ondoko 10 egun balioduneko epean:

9.2.1. Iruñeko Udalaren eta haren erakunde autonomoen zerbitzuko langile finkoak ez diren izangaiak:

a) Nortasun Agiri Nazionalaren fotokopia edo izangaiaren nazionalitatea eta nortasuna egiaztatzen dituen agiri baliokidearena.

b) Iruñeko Udaleko zerbitzu medikoek egindako txostena, lanpostuaren eginkizunetan aritzea eragozten dion eritasun edo arazo fisiko edo psikikorik ez duela egiaztatuta.

c) Zinpeko edo zinezko adierazpena, eginkizun publikoetarako ezgaiturik edo gabeturik ez dagoela eta inongo administrazio publikoren zerbitzutik bereizia izan ez dela adierazita.

d) Zin egiteko edo hitza emateko agiria Nafarroako Foru Eraentza errespetatu, Konstituzioari eta Legeei men egin eta karguaren eginkizunak zintzo beteko dituela adierazita.

9.2.2. Deialdi hau egin duenaz besteko Nafarroako administrazio publiko bateko langile finkoak izanda igoera-txandan parte hartzen duten izangaiek, aurreko apartatuko dokumentazioaz gain, haien jatorrizko Administrazioan jardunean daudela egiaztatzen duen ziurtagiria aurkeztu beharko dute, eta sarrerari,



antzinatasunari, mailari, egoera administratiboei eta abarri buruzko espediente pertsonalean dauden inguruabar eta aurrekari guztiei buruzko informazioa.

9.2.3. Desgaitasunen bat alegatu duten izangaiak. Desgaitasun hori deialdi honen xede den lanpostuarekin bateragarria dela egiaztatzen duen agiria ofizioz eginen dute balioespen- eta orientazio-talde eskudunek, eta espedienteari erantsiko zaio.

9.3. Agiri horiek aipatu epean –salbu behar bezala justifikatutako ezinbesteko kasuetan– aurkezten ez dituztenak eta deialdiaren 2. oinarrian eskatutako betekizunen bat betetzea egiaztatzen ez dutenak ezin izanen dira izendatuak izan, eta haien egintza guztiak baliogabeturik geldituko dira, betiere ezertan galarazi gabe haien eskabideetan egindako faltsukeriagatik legokiekeen erantzukizuna.

9.4. Aurreko apartatuan aurreikusitako kasuan, Tokiko Gobernu Batzarrak hutsunea beteko du oposizioa gainditu dutenen zerrendan, hots, 7. oinarrian aipatzen den horretan, hurren dagoen eta betekizunak betetzen dituen izangaiarekin, aurreko apartatueta adierazitako prozedura bera baliatuta.

9.5. Deialdiaren xedezko lanposturako betekizunak eta baldintzak egiaztatzekoa ez den baina Iruñeko Udalak bere eskumenak gauzatuz eskatzen ahal duen beste edozein agiri eskatuko zaio proposatutako izangaiari, eta hark aurkeztuko du, deialdiaren 9.2 apartatuan ezarritakoarekin bat.

10. Izendatzea, plaza hutsak esleitzea eta jabetza hartzea.

10.1. Tokiko Gobernu Batzarrak, Iruñeko Udaleko funtzionario izendatuko ditu, lanpostuetan aritzeko, eta plaza hutsak esleitu ditzkie aurreko oinarrietan ezarritakoa betetzen duten izangaiei.

10.2. Izendapena Nafarroako Aldizkari Ofizialean argitaratuko da, eta izendatutakoek izendapen-akordioan horretarako ezartzen den egunean hartu beharko dute plazaren jabetza.

Epe horretan, ezinbesteko kasuetan izan ezik, plaza jabetzan hartzen ez dutenek Iruñeko Udaleko funtzionario bilakatzeko eskubide guztiak galduko dituzte. Hala bada, deialdiaren 9.4 apartatuan ezarritakoari jarraituko zaio.

10.3. Izangaia funtzionario bihurtu eta, plazan batere aritu gabe, zuzenean eta berak eskatuta borondatezko eszedentzia ematen bazaio plazaren jabetza hartzen duen egunetik beretik –indarreko araudian ezarritako kasuetan–, kasuan kasuko plaza hutsa ere deialdiaren 9.4 apartatuan xedatzen den moduan beteko da.

10.4. Aurreko bi apartatueta aipatutako kasuetan, ez da aldatuko izendapenaren aurretik egindako plaza hutsen hautua, eta funtzionario berriei egoera horien ondoriozko plazak esleitu ditzazkie zuzenean.

11. Jarduketan publikotasuna.

Ezertan galarazi gabe Nafarroako Aldizkari Ofizialaren bidez modu ofizialean argitaratu beharreko izapideak, www.pamplona.es/eu udal-webgunean argitaratuko dira, deialdiaren fitxan, ariketen deialdiei eta kalifikazioei buruz epaimahaiak eman beharreko ebazpenen eta jarduketan gaineko informazioa eta interesdunendako jakingarriak izaten ahal diren argibide orokor guztiak.

12. Aldi baterako kontratueta izangaien zerrendak.

12.1. Bat etorrita Nafarroako Administrazio Publikoetan sartzeko Erregelamenduaren 42. artikuluan ezarritakoarekin, oinarri honetan ezarritako prozedurarekin, eta 2017-2019 aldirako Iruñeko Udaleko eta haren erakunde autonomoetako funtzionarioen eta administrazio-araubidean kontratatutako langileen lan-



baldintzei buruzko Hitzarmenaren III. eranskinean jasotako prozedurarekin –non arautzen baita Iruñeko Udaleko langileen administrazio-araubideko kontratazioa–, Giza Baliabideetako zuzendariaren ebazpenaren bidez onetsiko dira aldi baterako kontratuatarako zerrenda hauek, hautapen-prozesuan parte hartu eta plazarik eskuratu ez duten izangaiekin:

- a) Plazarik lortu ez, baina oposizioa gainditu duten izangaiei zerrenda.
- b) Hautapen-prozesuko lehenengo ariketa gainditu duten izangaiei zerrenda.
- c) Hautapen-prozesuko lehendabiziko ariketan ezarritako gehieneko puntuazioaren % 30 gutxienez lortu duten izangaiei zerrenda.

Kontratazioarako deitutako izangaiek egiaztatu beharko dute deialdian eskatutako betekizunak betetzen dituztela kontratua egiteko unean.

12.2. Deialdian eskatutako betekizunak sarrera-prozedurako eskabideak aurkezteko epea bukatzen den egunean bertan bete behar direla ulertuko da, eta, orobat, hautaprobak egin bitartean eta kontratazio-aldiak iraun bitartean.

12.3. Aldi baterako kontratuatarako izangaiei zerrendak Iruñeko Udalaren webgunean argitaratuko dira.

12.4. Probak gainditu baina plazarik lortu ez dutenen zerrendan, hautapen-prozesuan lortutako puntuazio altuenaren arabera izanen da izangaiei hurrenkera.

Halaber, lehen ariketa gainditu dutenen zerrendetan, lehen ariketan lortutako puntuazio altuenaren arabera izanen da izangaiei hurrenkera.

Berdinketarik bada, deialdi honetan ezarritako irizpideekin bat ebatziko dira.

12.5. Aurreko apartatuan ezarritako hurrenkerari dagokionez, 251/1993 Legegintzako Foru Dekretuko zazpigarren xedapen gehigarrian xedatutakoari men egiten zaio, eta, horrenbestez, aldi baterako kontratazioatarako izangaiei zerrendan, hiru plazatik bat (lehen) gordeko da % 33ko desgaitasuna edo handiagoa duten zerrendako pertsonendako, baldin eta dagozkien hautaprobak gainditu eta dagozkien zeregin eta funtzioekin bateragarri direla egiaztatzen badute, betiere lortutako puntuazioa kontuan hartuta.

12.6. Halaber, 251/1993 Legegintzako Foru Dekretuko hogeita zazpigarren xedapen gehigarrian xedatutakoari men egiten zaio, eta, horrenbestez, aldi baterako kontratazioatarako izangaiei zerrendetan hamar plazatik bigarrena gordeko da genero-indarkeriaren biktimak diren emakumeek beteak izateko, betiere kasuan kasuko hautaprobak gainditu badituzte eta haien egoera frogatzen badute.

13. Errekurtsoak.

Kalifikazio-epaimahaiaren egintzen eta ebazpenen aurka, gora jotzeko errekurtsua aurkeztean ahalko da, deialdia egin duen udal-organoari zuzendua, hilabeteko epean, errekurritu nahi den egintza jakinarazi eta hurrengo egunetik aitzina kontatuta.

Deialdi honen, haren oinarrien eta horiek aplikatzeko egintzen aurka, errekurtsu hauetariko bat paratzen ahal da, aukeran:

- a) Berraztertze errekurtsua, egintza gauzatu duen organoari zuzendua, hilabeteko epean, ebazpen hau jakinarazi edo argitaratu eta biharamunetik aitzina.
- b) Gora jotzeko errekurtsua, Nafarroako Administrazio Auzitegiari zuzendua, hilabeteko epean, errekurritutako egintza edo erabakia argitaratu edo jakinarazten denetik aitzina.



c) Administrazioarekiko auzi-errekurtsoa, Administrazioarekiko Auzien Iruñeko Epaitegiari zuzendua, bi hilabeteko epean, errekurritu nahi den egintza edo erabakia jakinarazi edo argitaratu eta biharamunetik aitzina.

Udalaren webgunean argitaratuko dira hala jarritako errekurtsoak nola haien gainean emandako ebazpenak, hautapen-prozesu honetako interesdunei jakinarazteko eta dei egiteko.

Iruñean, 2026ko maiatzaren 4an.- Tokiko Gobernu Batzarreko idazkaria, Garbiñe Bueno Zabalza.

ERANSKINA

GAITEGIA

ZATI OROKORRA.

- 1.- 1978ko Espainiako Konstituzioa: Atariko Titulua, I. Titulua eta VIII. Titulua.
- 2.- 13/1982 Lege Organikoa, Nafarroako Foru Eraentza Berrezarri eta Hobetzeari buruzkoa: Atariko titulua eta II. titulua: Nafarroaren ahalmen eta eskumenen zehaztapena.
- 3.- Europar Batasuna. Europako Parlamentua eta Kontseilua. Eskumenak, egitura eta funtzionamendua. Europako Batzordea: osaera, antolaketa eta funtzionamendua. Europako arau-lerruna: Tratatuak, Erregelamenduak, Zuzentarauak, Erabakiak eta Gomendioak.
- 4.- 6/1990 Foru Legea, uztailaren 2koa, Nafarroako Toki Administrazioari buruzkoa: Xedapen orokorrak. Entitate Lokalen antolamendua eta administrazioa: 1-8 sailak. Nafarroako Entitate Lokalen funtzionamendua: 1. eta 2. sailak. Informazioa eta herritarren partaidetza.
- 5.-7/1985 Legea, apirilaren 2koa, Toki Araubidearen Oinarriak arautzen dituen. Beharrezko udal-organoen antolakuntza eta jardura (X. titulua, II. kapituluak). Iruñeko Udalaren Udal Antolaketari buruzko Dekretua.
- 6.- 39/2015 Legea, urriaren 1koa, Administrazio Publikoen Administrazio Prozedura Erkidearena. Administrazio-prozedurari buruzko xedapen orokorrak. I. titulua: Prozeduran interesdun direnak. II. titulua: Administrazio publikoen jardura: jarduketa-arau orokorrak; zehaztapenak eta epeak. III. titulua: Administrazio-egintzak: Administrazio-egintzen betekizunak. Egintzen efikazia. Deuseztasuna eta deuseztagarritasuna. IV. titulua. Administrazio-prozedura erkideari buruzko xedapenak: Prozeduraren bermeak. Prozeduraren hasiera, antolamendua, instrukzioa eta amaiera. Betetzea. V. titulua. Egintzak administrazio-bidetik berrikustea: ofiziozko berrikuspena eta administrazio-errekurtsoak.
- 7.- 251/1993 Legegintzako Foru Dekretua, abuztuaren 30ekoa, Nafarroako Administrazio Publikoen zerbitzuko Langileen Estatutuaren Testu Bategina onesten duena.
- 8.- 113/1985 Foru Dekretua, ekainaren 5ekoa, Nafarroako Administrazio Publikoetan sartzeko erregelamendua onesten duena.
- 9.- 5/2018 Foru Legea, maiatzaren 17koa, Gardentasunari, Informazio Publikoa Eskuratzeari eta Gobernu onari buruzkoa. I. titulua: Xedapen orokorrak. II. titulua: Gardentasuna: Gardentasuna jardura publikoan eta publizitate aktiboa. III. titulua: Informazio publikoa eskuratzeko eskubidea: arau orokorrak, hura gauzatzeko prozedura eta aurkaratze-araubidea. VI. titulua. Nafarroako Gardentasunaren Kontseilua.
- 10.-3/2018 Lege Organikoa, abenduaren 5ekoa, Datu Pertsonalak Babestekoa eta Eskubide Digitalak Bermatzekoa. I. titulua: Xedapen orokorrak. II. titulua: Datuak babesteko printzipioak. III. titulua: Pertsonen eskubideak.
- 11.-Genero-berdintasuna: 3/2007 Lege Organikoa, martxoaren 22koa, Emakumeen eta Gizonen arteko Berdintasun Eragingarrirako. Atariko titulua. I. titulua: Berdintasun-printzipioa eta diskriminazioaren kontrako babesa. II. titulua: Berdintasunerako politika publikoak. Printzipio orokorrak. V. titulua: Berdintasun-printzipioa enplegu publikoan (I., II. eta III. kapituluak).

12.-10/1990 Foru Legea, azaroaren 23koa, Osasunari buruzkoa. Ingurumen-osasunaren, zoonosiaren eta elikadura-higienearen arloko jarduketa eta esku-hartze sanitarioak. Iruñeko Udalaren eskumenak eta funtzioak.

ZATI ESPEZIFIKOA: ELIKAGAIEN SEGURTASUNA.

1.- 17/2011 Legea Elikagaien Segurtasunari eta Nutrizioari buruzkoa. Kontrol ofiziala eta koordinazio administratiboa. Elikagaien segurtasunerako tresnak.

2.- Elikagaien Segurtasunaren eta Nutrizioaren Espainiako Agentzia. Antolaketa, funtzioak eta harremanak autonomia-erkidegoekin.

3.- Elikagaien segurtasuna Europar Batasunaren esparruan. 178/2002 (EE) Erregelamendua: Elikagaiei buruzko legeriaren printzipio orokorrak. Elikagaiei buruzko legeriaren betekizun orokorrak. Elikagaien Segurtasuneko Europako Agintaritza: Eginkizuna eta funtzioak. Funtzionamendua.

4.- Trazabilitatea nekazaritzako elikagai-enpresetan. Kontzeptuak eta prozedurak. Elikagai-enpresetako trazabilitaterako orientazio-gidak. Elikagai-sorten kontzeptua.

5.- Elikagaiei buruzko higiene-arauak. 852/2004 (EE) Erregelamendua.

6.- Animalia-jatorriko elikagaien higieneari buruzko berariazko araudia. 853/2004 (EE) Erregelamendua.

7.- 562/2025 Errege Dekretua, Nekazaritzako elikagaien katean eta hari lotutako eragiketetan egiten diren kontrolei eta beste jarduera ofizial batzuei buruzkoa.

8.- Elikagaien Katea Ofizialki Kontrolatzeko Plan Nazionala. Auditoretza- eta ikuskapen-teknikak. Kontrol ofizialaren auditoretzak. Araudia.

9.- Malgutasun-printzipioak kontrol ofizialean. Irizpide mikrobiologikoei buruzko malgutasuna. Arriskuen Azterketaren eta Kontrol-puntu Kritikoen (AAKPK) printzipioetan oinarrituta dagoen sistema ezartzeko malgutasuna. 1086/2020 Errege Dekretua.

10.- Elikagaiei aplikatu beharreko irizpide mikrobiologikoei buruzko araudia.

11.- 1169/2011 (EB) Erregelamendua: Elikagaien inguruko nahitaezko informazioa. 126/2015 Errege Dekretua, arau orokorra, elikagaiei buruz argibideak ematearen gainean, honako kasu hauetan: elikagaiak azken kontsumitzaileei eta gizataldeei saltzeko ontziratze gabe salgai jartzea, elikagaiak erosleak berak eskaturik saltokian bertan ontziratzea eta elikagaiak txikizkako merkataritzako titularrek ontziratzea.

12.- Elikadura-alergiak eta -intolerantziak. Alergeno nagusiak. Prebentzio-neurriak. Higiene-jardute zuzenak aplikatzea pertsona alergiko edo intoleranteendako elikagaien prestaketan. Elikagaien alergenoen nahitaezko etiketatzea eta informazioa.

13.- Elikagaien osasun erregistro orokorra. Araudia eta funtzionamendua. Nafarroako Foru Komunitateko elikaduraren arloko jarduera, industria eta establezimenduen funtzionamendurako osasun baimena.

14.- Elikagai-alertak. Alerta-sareak eta elikagai-iruzurrak. Kontzeptuak, antolaketa eta prozedurak. Arriskua ebaluatzea, kudeatzea eta jakinaraztea, elikaduraren arloko alerta, larrialdi eta krisietan.

- 15.- Elikagaien higieneari buruzko Iruñeko ordenantza.
- 16.- Zaintza epidemiologikoa. Agerraldi epidemiologikoaren definizioa. Inkesta epidemiologikoak. Nola jardun elikagai-agerraldi baten zantzuak daudenean.
- 17.- Elikagaien kutsadura biotikoa. Salmonella eta Listeria, Prebentzioa eta kontrola.
- 18.- Elikagaien kutsadura biotikoa. Clostridium perfringens eta botulinum. Prebentzioa eta kontrola.
- 19.- Elikagaien kutsadura biotikoa. Escherichia coli toxigenikoak. Intoxikazio estafilokozikoa. Prebentzioa eta kontrola.
- 20.- Elikagaien kutsadura biotikoa. Campylobacter. Bacillus. Prebentzioa eta kontrola.
- 21.- Elikagaien kutsadura biotikoa. Birusa. Histaminak eragindako intoxikazioa. Prebentzioa eta kontrola.
- 22.- Elikagaien kutsatzaileak. Elikagaietan dauden kutsatzaile kimiko nagusiak, izan modu naturalean edo ekoizpen- eta eraldaketa-prozesuetan. Toxikologia. Hondakinen gehieneko mugak. Laginketa eta azterketa. Araudia.
- 23.- Pestizidak. Laginketa eta azterketa. Araudia.
- 24.- Albaitaritza-sendagaien hondakinak. Hondakinen gehieneko mugak. Hondakinak Ikertzeko Plan Nazionala (HIPN). Laginketa eta azterketa. Araudia.
- 25.- Nafarroako zezen-ikuskizunei buruzko erregelamendua. Zezenketa-abelburuen haragia ekoizteko eta merkaturatzeko aplikatu beharreko osasun-baldintzei buruzko araudi orokorra eta espezifikoa.
- 26.- Txikizkako merkataritza. Elikagaiak txikizka biltegitatu, garraiatu, banatu eta saltzeko osasun-baldintzak. Salmenta ibiltaria. Salmenta-makinak. Higiene-neurriak eta kontrol ofiziala.
- 27.- Osasun-betekizunak jaki prestatuak egiteko, banatzeko eta merkaturatzeko. Autokontrola. Baldintza tekniko-sanitarioak. Legeak. Ikusapena eta kontrola.
- 28.- Elikagaiak ukituko dituzten materialak. Osasun-ezaugarriak eta araudi aplikagarria. Detergenteak, desinfektatzaileak, intsektuak kentzeko produktuak eta elikagaien industrian erabiltzeko bestelako produktuak.
- 29.- Gizakien kontsumorako ez diren animalia-azpi produktuak. Elikadura-establezimenduetan azpi produktuen kudeaketa kontrolatzeko programak. Araudia.
- 30.- Elikagaien kontserbazioa. Elikagaien transformazioaren eta elikadura-teknologiaren oinarriak. Kontserbak eta erdikontserbak. Elikagai irradiatuak. Kontzeptuak eta aplikazioa. Araudia.
- 31.- Haragia eta haragi-produktuak egiteko, banatzeko eta merkaturatzeko osasun-betekizunak. Haragiaren eta haren eratorrien higiena. Haragiaren etiketatzea. Haragi xehatua, haragi prestatua eta mekanikoki bereizitako haragia. Kontrol ofizialak. Trikinaren kontrola. Araudia.

32.- Esnea eta esnekiak egiteko eta merkaturatzeko osasun-betekizunak. Esne gordinaren arriskuak. Izoziak. Higiene-neurriak eta kontrol ofizialak. Araudia.

33.- Akuikulturako produktuak, molusku bibalbioak eta arrantzako bestelako produktuak ekoizteko, banatzeko eta merkaturatzeko osasun-betekizunak. Higiene-neurriak eta kontrol ofizialak. Anisakisa. Araudia.

34.- Arrautzak eta arrautza-produktuak egiteko, banatzeko eta merkaturatzeko osasun-betekizunak. Arrautza freskoen etiketatzea. Higiene-neurriak eta kontrol ofizialak. Araudia.

35.- Eztia, landare-produktu freskoak eta perretxikoak egiteko, banatzeko eta merkaturatzeko osasun-betekizunak. Onddoak eta perretxiko jangarriak. "Laugarren gamako" elikagaiak. Higiene-neurriak eta kontrol ofizialak. Araudia.

36.- Olio begetalak eta koipe jangarriak egiteko, banatzeko eta merkaturatzeko osasun-betekizunak. Higiene-neurriak eta kontrol ofizialak. Araudia.

37.- Irina eta haren eratorriak egiteko, banatzeko eta merkaturatzeko osasun-betekizunak. Okindegiak, gozotegiak, opilak eta pastak. Higiene-neurriak eta kontrol ofizialak. Araudia.

38.- Edari alkoholduak eta ez-alkoholduak egiteko, banatzeko eta merkaturatzeko osasun-betekizunak. Edari freskagarriak, zukuak, hortxatak eta bestelako edariak. Higiene-neurriak eta kontrol ofizialak. Araudia.

39.- Edulkoratzaile naturalak eta eratorriak, ongailuak eta espeziak egiteko, banatzeko eta merkaturatzeko osasun-betekizunak. Higiene-neurriak eta kontrol ofizialak. Araudia.

40.- Erregimen dietetiko edo berezietarako elikadura-prestakinak. Pisua murriztea xede duten balio energetiko txikiko dietetan erabiltzeko elikagaiak. Bularreko haurrendako prestakinak, jarraipenekoak eta haurrendako prestakinak. Erabilera mediko berezietarako eta kirolariendako elikagai dietetikoak. Araudia.

41.- Elikadura-osagarriak. Jakinarazpena. Etiketatzea, aurkezpena eta publizitatea. Europako merkaturatzea ezagutzea. Kontrol ofiziala. Araudia.

42.- Gehigarriak, laguntzaile teknologikoak, entzimak eta aromak elikadura-katean, -industrian eta -establezimenduetan. Baimena. Erabilera-baldintzak. Gehieneko edukiak elikagaietan. Araudia.

43.- Kontsumo publikorako den edateko ura. Kalitateari, bilketari, motei eta desinfekzioari buruzko osasun-betekizunak. Ontziratutako urak. Ur mineral-sendagarriak. Autokontrolleko legeria. Ura elikadura-industrian. Haren garrantzia eta kontrola.

44.- Bektoreak kontrolatzeko teknikak. Bioziden araudia. Erabilera elikadura-jardueretan. Erregistroak. Prestakuntza. Kontrola. Elikagai-enpresetan izurriteak kontrolatzeko planak. Garbiketa- eta desinfekzio-planak elikadura-jardueretan. Garbitzeko eta desinfektatzeko produktuak. Araudia.

45.- Epizootien Nazioarteko Erakundea (ENE). Europar Batasunean eta Espainian nahitaez aitortu beharreko gaixotasunak. Zoonosien eta agente zoonotikoen zaintza. Zoonosi nagusiak Europan eta Espainian. Elikagaien bidez kutsatzen den zoonosia eta elikagaien bidez kutsatzen ez dena.

46.- Leptospirosia, leishmaniasia, toxoplasmosia. Diagnostikoa. Profilaxia. Prebentzioa. Esku-hartzea. Amorruren kontingentzia plana.

47.- Amorrua, diagnostikoa, profilaxia, prebentzioa, esku-hartzea. Amorruren kontingentzia plana.

48.- Garrantzi zoonosikoa duten parasito-gaixotasunak. Ekinokosia. Hidatidosia. Teniasia eta zistizerkosia. Diagnostikoa. Horiek kontrolatzeko, profilaxia egiteko eta desagerrarazteko neurriak eta prozedurak. Araudia.

49.- 7/2023 Legea, Animaliak Babesteari buruzkoa eta Iruñean animaliak edukitzea arautzen duen ordenantza.

50.- 50/1999 Legea, Arriskugarri Gerta daitezkeen Animaliak Edukitzeko Araubideari buruzkoa. 50/1999 Legea garatzen duen 287/2002 Errege Dekretua.

51.- Lagun Egiteko Animaliak Babesteari buruzko 19/2019 Foru Legea. 94/2022 Foru Dekretua, 19/2019 Foru Legea garatzeko Erregelamendua onesten duena.